



REPUBLIKA E SHQIPËRISË

AUTORITETI I MEDIAVE AUDIOVIZIVE
DREJTORIA LIGJORE

Faqe | 1

PROJEKT-RREGULLORE

PËR

DISA SHTESA DHE NDRYSHIME NË RREGULLOREN “PËR KRITERET DHE PROCEDURAT E DHËNIES SË LICENCËS SË SHËRBIMIT TË PROGRAMIT AUDIOVIZIV”, MIRATUAR ME VENDIMIN NR. 2, DATË 16.01.2020, TË AMA-S

Në mbështetje të nenit 19, pika 1, gërma “ë”, nenit 55, 60, 61,63 dhe 67, të ligjit nr. 97/2013 “Për mediat audiovizive në Republikën e Shqipërisë”, të ndryshuar, Vendimin nr. 2, datë 16.01.2020 të AMA-s për miratimin e rregullores “Për procedurat dhe kriteret e dhënies së licencës së shërbimit të programit audioviziv”, bëhen shtesat dhe ndryshimet si më poshtë:

Neni 1

Në nenin 1 të rregullores “Objekti” bëhen ndryshim dhe shtesat sa më poshtë:

“1 Kjo rregullore përcakton rregullat, kriteret, dhe procedurat për dhënien e licencës së shërbimit të programit audioviziv lokal dhe rajonal, rinovimin e licencës së shërbimit të programit audioviziv lokal dhe rajonal, dhe zgjerimin ose ndryshimin e kushteve të licencës së shërbimit të programit audioviziv lokal dhe rajonal, në mbështetje të ligjit nr. 97/2013 “Për mediat audiovizive në Republikën e Shqipërisë”, të ndryshuar.

Neni 2

Në nenin 2 të rregullores “Fusha e zbatimit” bëhen ndryshimet dhe shtesat sa më poshtë:

“1 Rregullat, kriteret dhe procedurat e parashikuara në këtë rregullore do të zbatohen për dhënien e licencës së shërbimit të programit audioviziv lokal dhe rajonal, rinovimin e licencës së shërbimit të programit audioviziv lokal dhe rajonal, dhe zgjerimin ose ndryshimin e kushteve të licencës së shërbimit të programit audioviziv lokal dhe rajonal.

Neni 3

Në nenin 3, pika 2, gërma b) riformulohet si më poshtë:

“1 Subjekt aplikues” është personi juridik i regjistruar në Republikën e Shqipërisë, i cili aplikon **për marrjen, rinovimin, zgjerimin ose ndryshimin e kushteve të licencës** së shërbimit të programit audioviziv lokal dhe rajonal.

Neni 4

Pas nenit 8 të rregullores “Kërkesat programore” shtohet neni 8/1 “Kërkesat Teknike” me përmbajtje sa më poshtë:

Neni 8/1 Kërkesat Teknike

1. **Pajisjet teknike të përdorura në procesin e prodhimit, përpunimit dhe transmetimit të sinjalit duhet të jenë të certifikuara sipas standardeve europiane dhe ndërkombëtare, duke përfshirë, standardet ETSI EN për pajisjet e transmetimit; standardet ITU-R BT.2100, BT.709, BT.601 për sinjalet audiovizive.**
2. **Materialet audiovizive duhet të jenë në përputhje me standartet ITU-R BT.2100, ITU-R BT.709, ITU-R BT.60, rekomandimeve të EBU dhe parametra të sinjalit sipas EBU R103. Audio duhet të prodhohet dhe përpunohet në përputhje me EBU R128.**
3. **Kodekët minimalë duhet të jenë për Video: H.264/AVC, H.265/HEVC, AV1 dhe për Audio: AAC, MPEG Layer II, Dolby Digital Plus.**
4. **Subjekti duhet të garantojë një nivel minimal disponueshmërie të shërbimit prej 99.5% në periudhë vjetore, përveç ndërhyrjeve të planifikuara të miratuara nga AMA.**
5. **Pajisjet kritike (encoders, multiplexers, servers, storage) duhet të funksionojnë në konfigurim N+1.**
6. **Subjekti duhet të ketë në fuqi një Plan Rimëkëmbjeje nga Fatkeqësitë (DRP) me kohë rikthimi të shërbimit (RTO) jo më të gjatë se 4 orë.**
7. **Subjekti duhet të zbatojë standardet ndërkombëtare për sigurinë e informacionit, përfshirë ISO/IEC 27001 ose ekuivalente.**
8. **Mbrojtja e përmbajtjes audiovizive duhet të garantohet përmes DRM, ëatermarking statik ose dinamik si dhe sistemeve anti-pirateri të certifikuara ndërkombëtarisht.**
9. **Subjekti duhet të disponojë sistem monitorimi teknik 24/7 të sinjalit audio dhe audioviziv të gabimeve kritike përmes SNMP (Simple Network Management Protocol), syslog ose sistemeve ekuivalente.**
10. **Programacioni duhet të arkivohet sipas përcaktimeve rregullatorë në fuqi, në formate të pranueshme dhe të aksesueshme nga AMA.**
11. **Dërgimi i sinjalit të programit duhet të realizohet me protokolle transporti të sigurta dhe Latenca maksimale e sinjalit nuk duhet të tejkalojë 250 ms brenda zonës së licencimit dhe 600 ms për dërgim inter-urban apo ndër-zonal.**

Neni 5

Në nenin 13 të rregullores “Aplikimi” bëhen shtesat dhe ndryshimet si më poshtë:

1. Pika 2 formulohet si më poshtë:

“1. Dokumentet e aplikimit, përfshirë dokumentet me vulë elektronike, që lëshohen nga institucionet shtetërore, duhet të jenë marrë jo më vonë se 40 ditë përpara datës së aplikimit.

2. Pas pikës 2 shtohet pika 2/1 me këtë përmbajtje:

“2.1 Aplikimi për licencë mund të dërgohet me postë, apo depozitohet dorazi në protokollin e AMA-s. Ai duhet të jetë i mbyllur në zarf, të jetë i vulosur, i firmosur dhe me mbishkrimin ku të saktësohet “Aplikim për marrje licence shërbim programi audioviziv”. Në të duhet të pasqyrohet në mënyrë të qartë, identiteti dhe adresa e saktë e aplikuesit.

3. Pika 4 riformulohet si më poshtë:

“4 Dokumentacioni i aplikimit duhet të paraqitet origjinal ose i njësuar me të dhe nuk i kthehet aplikuesit.

4. Pas pikës 4 shtohet pika 5 me këtë përmbajtje:

“5 Aplikuesi që ka depozituar aplikimin para afatit të dorëzimit, kundrejt një kërkesë, ka të drejtë t’a tërheqë atë, apo t’a plotësojë aplikimin, me përjashtim të ditës, që i korrespondon datës së hapjes së aplikimit. Në rast të tërheqjes të aplikimit të dorëzuar përpara afatit të përcaktuar si afat përfundimtar për dorëzimin e aplikimit, pagesa e kryer për përpunimin administrativ të aplikimit, i kthehet aplikuesit, në numrin e llogarisë bankare të tij.

Neni 6

Në nenin 14 “Dokumentacioni i aplikimit” bëhen shtesa dhe ndryshime si më poshtë:

1 . pika 1.1 ndryshohet në “Kërkesat ligjore”

2 . riformulohen gërmat a),b),c) d), e), f) si më poshtë:

- a. Regjistrimi në Qendrën Kombëtare të Biznesit (QKB) me gjithë ndryshime (nëse ka), forma ligjore, emërtimi, vendodhja e subjektit, lista e aksionarëve me aksionet/kuotat përkatëse respektive me status aktiv, bashkë me emrin dhe firmën e personit, që ka të drejtë ta përfaqësoj atë, kur nuk përfaqësohet direkt nga përfaqësuesi ligjor, lëshuar jo më vonë se 30 ditë nga paraqitja e aplikimit.
- b. Në rastin kur njëri nga ortakët e subjektit aplikues është person juridik duhet të paraqesë Ekstraktin për të dhënat e tij dhe listën e ortakëve të tij;
- c. Deklaratë noteriale të secilit prej aksionarëve të subjektit aplikues, lidhur me aksionet/kuotat e zotëruara prej tyre në shoqëri të tjera me veprimtari audio ose audiovizive, dhe në rast se aksionari/ortaku i subjektit është person juridik, kjo deklaratë noteriale nënshkruhet nga përfaqësuesi ligjor i subjektit aksionar/ortak i shoqërisë aplikuese.
- d. Vërtetim i gjendjes gjyqësore të aksionarëve/ortakëve të subjektit;
- e. Adresa, nr. tel, fax, email.
- f. Personi përfaqësues.

Shtohet germa “g” si më poshtë,

- g. Deklaratën për vërtetësinë e të dhënave të paraqitura.

Në pikën 1.2 “Kërkesa teknike” bëhen ndryshime dhe shtesa sa më poshtë:

1. Pika b) riformulohet si më poshtë:

- b. Projektin e studios së prodhimit, shoqëruar me bllok-skema të funksionimit të studios dhe kalimit të sinjalit në të gjitha fazat kryesore të prodhimit dhe

përpunimit, se bashku me përshkrimin e masave të izolimit akustik, ndriçimit profesional dhe kushteve teknike të mjedisit të prodhimit.

2. Pika c) riformulohet si më poshtë:

- c. Listën e pajisjeve teknike që do të përdoren për ofrimin e shërbimit, duke përfshirë tipin, modelin, prodhuesin, parametrat teknikë, vendndodhjen dhe dokumentet e përputhshmërisë (CE, EMC, RoHS).

Faqe | 4

3. Pas gërmës c) shtohen gërmat d), e), f), g) dhe h) me këtë përmbajtje.

- d. Përshkrimin e standardeve të sinjalit audio dhe audioviziv për prodhimin dhe transmetimin, duke përfshirë formatet (SD/HD/UHD), kodekët, frame rate, profilin e kompresimit dhe kërkesat për cilësinë e audios sipas standardit EBU R128.
- e. Masat e sigurisë kibernetike dhe mbrojtjes së përmbajtjes, përfshirë: fireëall, enkriptim të sinjalit, DRM (nëse aplikohet), ëatermarking, si dhe procedurat për backup dhe rikuperim të të dhënave.
- f. Sistemin e monitorimit teknik të sinjalit, përfshirë pajisjet ose softëare për monitorim 24/7 të sinjalit, dokumentimin e parametrave teknikë dhe metodën e arkivimit minimal 90-ditor.
- g. Përshkrimin e mënyrës së dërgimit të sinjalit te operatori i rrjetit, duke specifikuar llojin e lidhjes (fibër optike, IP, SRT, RIST, mikrovalë), protokollet e transportit, garancitë e stabilitetit dhe nivelin e latencës së pranueshme.
- h. Planin e redundancës teknike, duke përfshirë pajisjet rezervë, UPS, gjenerator (nëse aplikohet) dhe mënyrën e garantimit të vazhdimësisë të transmetimit.

Në pikën 1.5 “Të tjera” bëhen ndryshime dhe shtesa si më poshtë:

1. Gërma b) riformulohet si më poshtë:
- b) Të dhëna mbi numrin e punonjësve që parashikon të punësojë jo më i vogël se 10;
2. Gërma c) hiqet nga kjo pikë dhe është përfshirë në “Kërkesat Ligjore” gërma g).

Neni 7

Në nenin 15 të rregullores “Shqyrtimi i Aplikimeve” bëhen shtesat, ndryshimet si më poshtë:

1. Pika 1 ndryshohet si më poshtë:

“1 Shqyrtimi i aplikimeve për marrje licence, **rinovim, zgjerim ose ndryshim të zonës së mbulimit**, kryhet nga Komisioni i Shqyrtimit të Dokumentacionit, i ngritur me urdhër të kryetarit të AMA-s.

2. Pika 2 ndryshon si më poshtë:

“2 Komisioni i Shqyrtimit të Dokumentacionit përbëhet si më poshtë (ndryshim emërtesash)

- Drejtori i Drejtorisë Ligjore
- Drejtori i Drejtorisë së Planifikimit të Frekuencave dhe Teknologjisë së Informacionit
- Drejtori i Drejtorisë së Financës dhe Shërbimeve
- Drejtori i Drejtorisë së Monitorimit dhe Analizës
- Drejtori i Drejtorisë së Burimeve Njerëzore dhe Arkivë-Protokoll
- Drejtori i Drejtorisë së Inspektimit dhe Mbikëqyrjes

3. Pika 3 ndryshon si më poshtë:

“3 Në rastet e aplikimit për marrje licence shërbim programi audioviziv rajonal dhe lokal, **dhe zgjerim ose ndryshim të zonës së mbulimit**, mbledhjet e Komisionit të Shqyrtimit të Dokumentacionit drejtohen nga Zv/Kryetari në cilësinë e Kryetarit të Komisionit, pa të drejtë vote, me pjesëmarrjen e të paktën një prej anëtarëve të AMA-s.

4. Pika 4 ndryshon si më poshtë:

“4 Anëtarët e Komisionit shqyrtojnë dhe verifikojnë përmbushjen e kriterëve ligjore, ekonomike, teknike, programore, **të së drejtës së transmetimit dhe organizative**, dhe përgatisin relacionet e vlerësimit sipas kompetencës. **Në rastet aplikimit të marrjes licencës, zgjerimit ose ndryshimit të zonës** rezultatet e vlerësimit me pikë i paraqiten AMA-s në një raport të shoqëruar nga një tabelë përmbledhëse ku aplikuesit renditen sipas numrit maksimal të pikëve të grumbulluara.

Faqe | 5

Neni 8

Pas nenit 15 shtohet neni 15/1 me këtë përmbajtje

Neni 15/1

Procedura e shqyrtimit të aplikimit

1. Aplikimet për marrje licence transmetimi audioviziv, zgjerim të zonës së mbulimit dhe rinovimin e licencës, administrohen në prani të të gjithë anëtarëve të Komisionit të Shqyrtimit të Dokumentacionit. Komisioni bën verifikimin nëse dosjet e aplikimit janë të mbyllura, të firmosura e të vulosura. Anëtari i Komisionit të Drejtorisë së Financës dhe Shërbimeve verifikon nëse subjekti ka kryer Pagesën për Përpunimin e Dokumentacionit dhe njofton Komisionin. Në rast se subjekti nuk e ka paguar PPD, dosja e aplikimit të subjektit nuk i nënshtrohet shqyrtimit, dhe arkivohet.
2. Pasi lexohet me zë të lartë subjekti aplikues, vijon identifikimi i gjithë dokumentacionit që përmban dosja e aplikimit.
3. Komisioni, pas hapjes së dosjes së aplikimit, verifikon paraprakisht nëse dokumentacioni i aplikimit i paraqitur nga subjektet që kërkojnë të pajisen me licencë është në përputhje me kërkesat e kësaj rregulloreje. Në rast se dokumentacioni nuk është konform akteve të sipërpërmendura, subjekti aplikues skualifikohet dhe aplikimi i tij, pavarësisht vlerësimit nga anëtarët e KSHD-së, nuk i nënshtrohet vlerësimit me pikë.
4. Aplikimi i subjektit, për marrje licence transmetimi audioviziv, dokumentacioni i të cilit, rezulton në përputhje me kërkesat e kësaj rregulloreje, shqyrtohet në mënyrë tërësore nga anëtarët e KSHD-së dhe i nënshtrohet vlerësimit me pikë.
5. Relacionet e vlerësimit përgatiten dhe i dorëzohen Drejtorisë Ligjore, jo më vonë se 3 ditë nga marrja në dorëzim të dosjes së aplikimit përkundrejt nënshkrimit në procesverbalin e vlerësimit të aplikimit.
6. Pas mbledhjes së relacioneve të vlerësimit të të gjithë anëtarëve, Drejtoria Ligjore përgatit relacionin përmbledhës, i cili nënshkruhet nga të gjithë anëtarët e Komisionit, një kopje e të cilit i përcillet Kryetarit të AMA-s.
7. Relacioni përfundimtar përmbledhës i vlerësimit, së bashku me gjithë praktikën e subjektit aplikues, si dhe propozimi përkatës i Komisionit të Shqyrtimit të Dokumentacionit në lidhje me aplikimin e subjektit, i paraqiten AMA-s në mbledhje për vendimmarrje.
8. AMA miraton procedurën e ndjekur të vlerësimit dhe në rast se konstaton mangësi në respektimin e tyre, ka të drejtë të kërkojë kryerjen e një vlerësimi të ri.

9. Në rast se në përfundim të procesit të vlerësimit, rezulton se dy ose më shumë subjekte aplikues, për të njëjtën zonë ofrimi shërbimi, do të rezultojnë me pikë të njëjta, AMA ka të drejtë të japë licencën përmes procedurës me short, me pjesëmarrjen e përfaqësuesve të subjekteve aplikues që do të jenë subjekt i shortit. Mungesa e përfaqësuesve të OSHMA nuk do të pengojë vazhdimin e procedurës së shortit.
10. Gjatë procedurës së shqyrtimit të dosjeve të aplikimit mbahet procesverbal, nga sekretari i AMA-s, i cili nënshkruhet nga të gjithë anëtarët e Komisionit të Shqyrtimit të Dokumentacionit.

Neni 9

Në nenin 16 të Rregullores “Vendimmarrja” bëhen shtesa dhe ndryshime si më poshtë:

1. Shtohen pika 4 dhe 5 me këtë përmbajtje:

“4 Kërkesat e parashikuara në pikën 1 të këtij neni nuk zbatohen në rastin e aplikimit për rinovimin e licencës së shërbimit të programit audioviziv.

“5 Rrëzimi i aplikimit për mosrinovim të licencës së shërbimit të programit audioviziv, dhe zgjerim të zonës së mbulimit, bëhet gjithmonë kundrejtë një vendimi të arsyetuar.

Neni 10

Pas nenit 17 shtohen nenet 17/1, dhe 17/2

Neni 17/1

Rinovimi i licencës së shërbimit të programit audioviziv

1. Aplikimi për rinovimin e licencës së shërbimit të programit audioviziv lokal dhe rajonal duhet të bëhet të paktën 90 ditë përpara përfundimit të afatit të licencës.
2. AMA gjatë shqyrtimit të aplikimit për rinovimin e e licencës së subjektit të pajisur me licencë lokale dhe rajonale të shërbimit të programit audioviziv verifikon respektimin e kushteve teknike, juridike, organizative, financiare, e programore për periudhën që ka ushtruar veprimtari audiovizive.
3. Kërkesat e aplikimit për rinovimin e licencës për shërbimin e programit audioviziv lokal dhe rajonal janë të njëjta me atë të aplikimit për marrje licence të shërbimit të programit audioviziv lokal dhe rajonal.
4. Kërkesat teknike të përcaktuara në pikën 1.2, të nenit 14, të kësaj rregulloreje janë të detyrueshme dhe do të zbatohen dhe në rastet:
 - a) rinovimit të licencës së shërbimit të programit audioviziv;
 - b) ndryshimit të kushteve të licencës së shërbimit të programit audioviziv. Subjekti i cili kërkon të ndryshojë kushtet e licencës për shërbimin e programit audioviziv depoziton pranë AMA-s, kërkesën e arsyetuar.
5. Aplikimi për rinovimin e licencës së shërbimit të programit audioviziv lokal dhe rajonal nuk i nënshtrohet vlerësimit me pikë. Në rastin e mungesave në dokumentacion apo parregullsi të konstatuara në dokumentacionin e aplikimit për rinovimin e licencës,

Kryetari i AMA-s, pas propozimit të Komisionit të Shqyrtimit të Dokumentacionit, mund të vendos t'i caktojë një afat të ri subjektit aplikues për rinovimin e licencës për shërbimin e programit audioviziv lokal dhe rajonal, për plotësimin e mangësive apo parregullsive të konstatuara në dokumentacion, por duke mos tejkaluar afatin e përfundimit të licencës.

Faqe | 7

6. AMA gjatë procesit të rinovimit të licencës verifikon edhe:

6.1 Respektimin e kushteve të mëparshme të licencës, ku përfshihen:

- a) realizimi i mbulimit të zonës së licencimit (sipas territorit dhe sipas popullsisë);
- b) respektimin e kushteve të licencës për sa i përket programeve, formati dhe struktura programore;
- c) Respektimin e të drejtave të transmetimit dhe autorit.

6.2 Detyrimet financiare për periudhën e ushtrimit të aktivitetit ku përfshihen:

- a) pagesa vjetore për licencë përtej vitit kalendarik në të cilin bëhet shqyrtimi i aplikimit për rinovim licence;
- b) pagesa për tarifën e shërbimeve audiovizive përtej vitit kalendarik në të cilin bëhet shqyrtimi i aplikimit për rinovim licence;
- c) ecuria e ekzekutimit të sanksioneve me gjobë të vendosura nga AMA të kthyera në titull ekzekutiv.

7. AMA refuzon aplikimin e subjektit i cili nuk ka përmbushur një nga pikat e mësipërme të këtij neni.

Neni 17/2

Zgjerimi dhe reduktimi i zonës së mbulimit

1. Kërkesat e aplikimit për zgjerimin e zonës së licencimit për shërbimin e programit audioviziv janë të njëjta me atë të aplikimit fillestar për marrje licence të shërbimit të programit audioviziv lokal/rajonal.

2. Subjekti aplikues në rast zgjerimi ose reduktimi të zonës së shërbimit të programit audioviziv duhet të dorëzojë dokumentacionin teknik të përditësuar për përshkrimin e mënyrës së dërgimit të sinjalit, në gjendjen aktuale dhe çdo ndryshim nga kushtet teknike të miratuara nga AMA.

3 I licencuari për zgjerimin e zonës së ofrimit të shërbimit të programit audioviziv, duhet të fillojë transmetimin 9 muaj pas hyrjes në fuqi të vendimit për zgjerim, të kundërt, AMA, do të procedojë duke e bërë atë të pavlefshëm.

Neni 11

Në nenin 20 “Detyrimet financiare” bëhen shtesat dhe ndryshimet sa më poshtë:

1. Pika 1 formulohet si më poshtë:

“1 Pagesat për marrjen e licencës, **rinovimin, zgjerimin, reduktimin dhe ndryshimin e kushteve të licencës**, pagesat vjetore të licencës, pagesat për përpunimin e dokumentacionit, do të kryhen bazuar në vendimin e AMA për pagesat për licencë dhe pagesë për shërbimet që kryhen nga AMA.

Neni 12

Hyrja në fuqi

Kjo rregullore hyn në fuqi menjëherë dhe publikohet në faqen e internetit të AMA-s.